

ԱՐՁԱՆԱԳՐՈՒԹՅՈՒՆ ԹԻՎ 1

ԿԻՐԱՌԱԿԱՆ ԱՐՎԵՍՏԻ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ ՆԻՍՏ

29 օգոստոսի 2017թ.

ք.Իջևան

Նախագահ՝ Ա.Շ.Մարգարյան

Քարտուղար՝ Ք.Հ.Մխիթարյան

Ներկա էին խորհրդի բոլոր 14 անդամները:

1. Ալեքսան Շամիլի Մարգարյան –դեկան,ֆ.մ.գ.թ, խորհրդի նախագահ
2. Քրիստինե Համլետի Մխիթարյան- քարտուղար,ասիստենտ, ՀՀ դիզայներների միության անդամ, „Դիզայն” մասնագիտության ուսումնական խորհրդատու
3. Համլետ Միհրդատի Ասատրյան –դոցենտ, ՀՀ նկարիչների միության անդամ, ֆակուլտետի գեղարվեստական խորհրդի նախագահ
4. Կարո Հայկազի Ղուլիջանյան - Նոյեմբերյան քաղաքի արվեստի դպրոցի տնօրեն
5. Լիլիթ Ռոբերտի Ղալումյան – Իջևանի քաղաքապետարանի կրթության, մշակույթի և սպորտի բաժնի պետ
6. Համլետ Խաչատուրի Մխիթարյան - Իջևան քաղաքի արվեստի դպրոցի տնօրեն
7. Մարտին Վարդանի Հարությունյան –ասիստենտ,արվ.գ.թ., „Դեկորատիվ-կիրառական արվեստի և դիզայնի” ամբիոնի վարիչի ժ/պ
8. Անուշ Լյուբիկի Չիբուխյան- ասիստենտ, ՀՀ նկարիչների միության անդամ, մասնագիտության պատասխանատու
9. Լևոն Երվանդի Լաչիկյան – ասիստենտ
10. Սերգեյ Թորգոմի Հովհաննիսյան - ասիստենտ,ՀՀ նկարիչների միության անդամ
11. Արման Պավելի Ալեքսանյան-չորրորդ կուրսի ուսանող,ՖՈԻՄ նախագահ
12. Կարեն Գարեգինի Գոգինյան-երրորդ կուրսի ուսանող,ՈԻԳԸ նախագահ
13. Դիաննա Արտակի Դավթյան –երրորդ կուրսի ավագ
14. Ծովինար Մուշեղի Կարապետյան – առաջին կուրսի ավագ

Օրակարգ

1. Ֆակուլտետի գիտական խորհրդի կազմի և 2017-2018 ուս.տարվա աշխատանքային պլանի քննարկում և հաստատում:
/զեկ. Ա.Շ.Մարգարյան/
2. 2017-18թթ. ուս. տարվա I կիսամյակի դասացուցակների քննարկում:
/զեկ. Ա.Շ.Մարգարյան/

3. Առաջին կուրս ընդունված ուսանողների հետ կապված հարցերի քննարկում:

/զեկ. Ա.Շ.Մարգարյան /

4. 2017-2018թթ.ուստարվա առաջին կիսամյակի ուսումնական գործընթացի և նախորդ կիսամյակի լուծարքային շրջանի կազմակերպման նախապատրաստական աշխատանքների քննարկում:

/զեկ. Ա.Շ.Մարգարյան /

5. Ընթացիկ հարցեր :

ԼՄԵՑԻՆ - Ֆակուլտետի խորհրդի նիստը բացեց և օրակարգը ներկայացրեց դեկանի ժ/պ, խորհրդի նախագահ Ա.Շ.Մարգարյանը:

Օրակարգը հաստատելուց հետո նիստի մասնակիցները անցան օրակարգի հարցերի քննարկմանը:

Նիստը վարում էր Ա.Շ.Մարգարյանը:

Օրակարգի առաջին հարցի մասին զեկուցումով հանդես եկավ խորհրդի նախագահ Ա.Շ.Մարգարյանը:Նա սկզբից ներկայացրեց ֆակուլտետի խորհրդի նորացված կազմը,որն ընդգրկում է ֆակուլտետի ղեկավարությանը, պրոֆեսորադասախոսական առաջատար կազմին, արտաքին շահակիցների ներկայացուցիչներին, ուսանողական կառույցների ղեկավարներին և կուրսերի ավագներին: Այնուհետև մանրամասն ներկայացվեց ֆակուլտետի խորհրդի 2017-18թթ. ուստարվա աշխատանքային պլանը և նշվեց, որ վերջինս բխում է մասնաճյուղի ռազմավարական և ֆակուլտետի զարգացման պլաններից: Այն ընդգրկում է բակալավրի ուսումնական պրոցեսների բոլոր գործընթացները: Ֆակուլտետի խորհուրդը գումարվում է ամենամսյա պարբերականությամբ: Հարկ եղած դեպքում նաև արտահերթ:

Քննարկումից հետո եղավ ընդհանուր առաջարկ հաստատելու խորհրդի 2017-18թթ. ուստարվա աշխատանքային պլանը/ կցվում է արձանագրությանը/:

ՈՐՈՇԵՑԻՆ- Ներկայացնել տնօրենություն հաստատելու 2017-18թթ. ուստարվա ֆակուլտետի գիտական խորհրդի նորացված կազմը և աշխատանքային պլանը:

Օրակարգի երկրորդ հարցի վերաբերյալ զեկուցումով հանդես եկավ խորհրդի նախագահ Ա.Շ.Մարգարյան: Նա ներկայացրեց 2017-18թթ. ուստարվա I կիսամյակի դասացուցակներն ըստ կուրսերի և երկու մասնագիտությունների: Դասացուցակը կազմվել է „Դիզայն” մասնագիտության I, II, III և IV կուրսերի և „Կիրառական արվեստ,, մասնագիտության III, IV կուրսերի համար՝ երկշաբաթյա /համարիչ և հայտարար/ գրաֆիկով՝ համաձայն ուսումնական պլանների և անհատական բեռնվածության:

ԱՐՏԱՀԱՅՏՎԵՑԻՆ- Գիտական խորհրդի անդամները: Համակարծիք լինելով ներկայացված դասացուցակին նրանք առաջարկեցին ներկայացնել տնօրենություն՝ հաստատելու այն:

ՈՐՈՇԵՑԻՆ- 2017-18թթ. ուստարվա I կիսամյակի դասացուցակը ներկայացնել տնօրենության քննարկմանը ու հաստատմանը:

Օրակարգի երրորդ հարցի մասին հանդես եկավ ֆակուլտետի խորհրդի նախագահ Ա. Մարգարյանը և նշեց, որ առաջին կուրս են ընդունվել թվով 22 ուսանողներ որոնք գործնական պարապմունքներին կբաժանվեն երկու խմբի , իսկ դասախոսությունները կիրականացնեն մեկ խմբով: Կուրսդեկ նշանակվել է դիզ.միութ. անդամ, ասիստենտ Ք.Մխիթարյանը: Նա հատկապես սկզբնական շրջանում, շատ անելիքներ ունի տեղեկատվական բնույթի, քանզի ԲՈՒՀ-երը և ԵՊՀ ԻՄ-ն ունեն առանձնահատկություններ՝ կապված ուսումնական գործընթացները կազմակերպելու, քննությունների և ստուգարքների անցկացման կանոնների և շատ այլ հարցերի հետ:

ԱՐՏԱՀԱՅՏՎԵՑԻՆ- Ք.Մխիթարյանը նշեց, որ մասնաճյուղի բոլոր կուրսդեկներին տրվել են հրահանգեր, աշխատանքները իրականացնելու համար կազմվել են պլան – ժամանակացույց, որտեղ հատուկ մատնանշված են բոլոր գործողությունները, ժամկետները, անհրաժեշտ ռեսուրսները և պատասխանատուները:

ՈՐՈՇԵՑԻՆ- Առաջին կուրս ընդունված ուսանողների հետ տանել բացատրական աշխատանքներ, հարկ եղած դեպքում օգնել կուրսդեկին վերոնշյալ խնդիրները իրականացնելիս:

Օրակարգի չորրորդ հարցի մասին ֆակուլտետի խորհրդի նախագահ Ա.Շ.Մարգարյանը հանդես եկավ ուսումնական գործընթացի կազմակերպման հետ կապված ներֆակուլտետային հարցերի վերաբերյալ հանձնարարականներով: Զեկուցողը ներկայացրեց օգոստոսի քսանմեկից իրականացված աշխատանքները,

որոնք անհրաժեշտ էին ուսումնական տարին սկսելու համար: Արվեստանոցների համար ձեռք են բերվել բավարար քանակությամբ ուսումնական նյութեր/ քանդակի կավ, թրծակավ, գիպս, թելեր, վիտրաժի ներկեր և այլն/, հաշվի առնելով յուրաքանչյուր կուրսում ուսանողների թիվը և դասավանդվող առարկաների թեմաների բովանդակությունները: Մասնավորապես նշվեց, որ երեք ուսանողներ վերադարձել են ՀՀ ազգային բանակից և ունեն ակադեմիական պարտքեր և առարկայական տարբերություններ: Այնուհետև Ա. Մարգարյանը ներկայացրեց առաջին լուծարքային շրջանի և վերոնշյալ ուսանողների անհատական գրաֆիկները և հանձնարարեց ամբիոնի վարիչներին առանձնահատուկ ուշադրության արժանացնել պարտքերի վերահանձնման գործընթացներին:

ՈՐՈՇԵՑԻՆ- Գործընթացի իրականանացման վերահսկողությունը դնել ֆակուլտետի դեկանի և մասնագիտության պատասխանատուի վրա:

Ընթացիկ հարցերից կարևորվեց կարգապահությանը վերաբերվող խնդիրներ , որոնք ենթակա են կատարման:

ՖԱԿՈՒԼՏԵՏԻ ԽՈՐՀՐԴԻ ՆԱԽԱԳԱՀ՝

Ա.Շ.ՄԱՐԳԱՐՅԱՆ

ՔԱՐՏՈՒՂԱՐ՝

Ք.ՄԽԻԹԱՐՅԱՆ